



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus de Conscientia, de Legibus, de Peccatis, de Virtutibus
Theologicis, de Religione, & Beneficiis. Adjunctis in hac editione
Propositionibus ad hanc usque proscriptis

Antoine, Paul-Gabriel

Ingolstadii, 1734

VD18 90392140

Cap. VI. De Peccatis merè internis.

urn:nbn:de:hbz:466:1-40986

Item motus alii subditi graviter inordinati, qui ex prava consuetudine quasi inadvertenter accidunt, non excusantur a mortali, quamdiu non adhibetur diligentia, & conatus, ut præcaveantur, & consuetudo corrigatur: quia si non in se, certè in causa, nempe in mala consuetudine non retractata, vel negligentia sufficienter noti, & voluntarii sunt.

CAPUT VI.

De Peccatis merè internis.

Quæ scilicet consistunt in solis affectibus internis, absque ullo opere, & signo externo.

NO^t. Actus voluntatis generatim dividitur in prosecutivum, & adversativum. Prosecutivus circa objectum illicitum triplex est. 1. Est volitio efficax objecti, qua voluntas vult adhibere media, quæ sunt in ejus potestate, ad illud objectum assequendum, seu opus volitum exequendum. 2. Est desiderium, sed inefficax. 3. Est simplex delectatio, seu mens complacentia de objecto, seu opere apprehenso, absque proposito exequendi, & desiderio assequendi; quæ est simplex quidam voluntatis affectus, quo res appre-

R 4

ken-

hensa tanquam jucunda placet, & grata,
atque accepta habetur.

Q. I. *An, & quale peccatum est desiderium operis, seu objecti mali?*

Resp. Quodlibet desiderium rei, vel actionis malæ, etiam inefficax, illicitum est, utpote prohibitum præcepto, non concupisces, juxta sensum Ecclesiæ; & habet malitiam mortalem, vel veniale, ac eandem speciem, quam habet res, vel actio, in quam fertur. *Ita omnes.* Constat, 1. ex Prov. 15. abominatio Domini cogitationes mala. & Psal. 10. qui diligit iniqitatem, edit animam suam. & Ose. 9. facti sunt abominabiles, sicut ea, qua dilexerunt. quod indefinite, ac generatim dictum intelligi debet de omni affectu etiam inefficaci, cum hic etiam tendat in objectum suum. 2. Quia turpe, ac inhonestum est velle, & desiderare quovis modo aliquid turpe, ac illicitum. Item omnis affectus prosecutivus circa aliquid graviter malum, graviter disconvenit naturæ rationali, & legi divinæ prohibentia objectum; sumitque malitiam, ac speciem ab objecto malo, ratione cuius opponitur rectæ rationi, & legi: objectum autem voluntatis est id omne, in quod ipsa fertur. Et verò ad mortale non requiritur consensus efficax in opus: alioqui ap-

pro-

probans crimen alterius, sine voluntate illud patrandi, non peccaret mortaliter, contra illup ad Rom. i. *Digni sunt morte, non solum, qui faciunt, sed etiam qui consentiunt facientibus.*

Hinc desiderium, licet inefficax, occidendi, fornicandi, &c. est peccatum mortale injustitiae, luxuriæ, &c. Desiderium verò leviter nocendi proximo est veniale. Nam omnis actus internus sumit malitiam, & speciem ab actu externo tanquam ab objecto.

Q. 2. An actus externus auget malitiam actus interni?

Resp. Actus externus per se non auget bonitatem, vel malitiam formalem, seu imputabilem actus interni, seu volitionis efficacis, qua scilicet fit id omne, quod est in potestate voluntatis. *Est communis.* Prob. 1. ex Gen. 22. *Quia fecisti hanc rem, & non percisi filio tuo Unigenito propter me, benedicam tibi, &c.* Et Mat. 5. *Omnis, qui viderit mulierem ad concupiscendum eam, jam mactatus eam in corde suo.* ubi voluntas sola pro facto reputatur. 2. Ex S. August. in Psal. 57. *Quidquid vis, & non potes, factum Deus computat.* & l. 1. de Liber. Arbit. c. 3. *Si cui etiam non contingat facultas concubendi cum conjugi aliena, planum tamen*

R 5

ali-

aliquo modo sit id eum cupere, & si potestas detur, facturum esse: non minus reus est, quam si in ipso facio deprehenderetur.
 3. Quia actus externus non habet ullam imputabilitatem ad meritum, & demeritum sibi propriam, & distinctam ab imputabilitate actus interni: nam non habet libertatem, nec rationem voluntarii distinctam à libertate actus interni, à quo imperatur, cùm immediatè procedat à potentia necessaria, & non sit liber, nisi quia imperatur ab actu interno. 4. Quia cùm actus internus efficax est, si actus externus non ponitur; ideo non ponitur, quia deest potestas illum ponendi: ac proinde quod tunc non ponatur actus externus, est omnino involuntarium. At quod est prorsus involuntarium non minuit imputabilitatem, sive ad laudem, & præmium, sive ad vituperium, & pœnam, ut docet S. Thom. I. 2. q. 20. a. 4. & per se patet. Nihilominus actus externus plura affert commoda, si bonus est: nam parit ædificationem, & quandoque etiam gratiam confert, ut Sacramentum, & Martyrium. Si vero malus est, plura affert incommoda: nam parit scandalum, infamiam, obligationem restituendi, & subjicit pœnis humanis, ac Censuris, &c.

Resp. II. Actus externus særissimè auget per accidens, seu occasionaliter bonitatem, vel malitiam actus interni, à quo im-

imperatur: quia sæpiissimè est occasio, cur augeatur bonitas, aut malitia actus interni, vel multiplicetur actus internus, aut diutiùs duret. Nam actus internus in executione intenditur propter arduitatem, aut delectationem ortam ex actu externo; vel continuatur diutiùs propter longiorem temporis moram necessariam ad perficiendum opus externum; vel ob utramque causam sæpius iteratur. Hinc S. August. l. 13. de Trin. c. 5. ait: *mala voluntate, vel sola quisque miser efficitur; sed miserior potestate, quâ desiderium male voluntatis impletur.*

Q. 3. An desiderium conditionatum, seu consensus conditionatus in opus malum, vel delectationem illius est peccatum, & quale?

Resp. I. Desiderium conditionatum rei vetitæ per se loquendo non est mortale, si conditio apposita aufert totam, vel saltem gravem operis malitiam. *Est communis.* quia talis affectus non est graviter inordinatus, neque secundūm se, neque ex objecto, à quo per conditionem gravis malitia verè excluditur. Non est autem per se peccatum desiderare præcisè objectum, à quo verè sublata est malitia.

Sit tamen, ut sæpe fit, inducat periculum probabile consensū absoluti, erit mor-

mortale ratione talis periculi : quia mortale est se exponere periculo probabili peccandi mortaliter ; nam est velle interpretative mortale peccatum. Imò secluso tali periculo , ejusmodi desideria raro vacant culpâ saltē veniali , ratione inutilitatis , otiositatis , aut alicujus inordinati affectus.

Quod si conditio non aufert malitiam , tale desiderium , vel delectatio in re gravi est culpa mortalis , in levi venialis : quis talis affectus tendit in objectum malum , & quidem absolutè , cùm apposita conditio non verè tollat malitiam ab objecto , etiam ut repræsentato : & sic malitia objecti in actum voluntatis tota transfunditur . Sive tunc est affectus admittendi malum , vel delectatio de illo , remanente totâ objecti malitiâ .

Conditio autem aufert malitiam mortalem objecti , quando vel re ipsâ subest , vel possibilis est , & eâ positâ res , seu actio non est amplius mala saltē graviter , ut contingit . 1. In iis quæ solo jure positivo verita sunt . Hinc non peccat mortaliter , qui dicit , vellem comedere , seu comedere rem carnes dic veneris , si Ecclesia non vetisset , vel optarem , ne esset hodie prohibitus eis carnium , ut illis vesci possem . 2. In prohibitis quidem jure naturali , sed licitis tamen in aliqua circumstantia , si haec pro conditione apponatur , v.g. si essem

sem Judex, hunc homicidam morte multarem, &c. Rectè tamen monent, ejusmodi desideria esse periculosa, & vitanda, atque (ut ait Cajet.) fatuas, ac diabolicas tentationes. Et reverè sunt plerumque occasio peccati, præsertim in materia periculosa ut ex multorum lapsu constat: ut si dicas: vellem uxorem ducere, si non essem Sacerdos.

At malitiam non tollit conditio, quando eâ appositâ adhuc manet objectum graviter inordinatum, ut si dicas: vellem fornicari, si non esset infernus: inimicum occiderem, si non essem Sacerdos. Unde peccas mortaliter, perinde, ac si non ponetur conditio. Item quando conditio per se impossibilis est, ut si ea, quæ intrinsecè mala sunt, ponantur non esse verita, ut si dicas: vellem furari, ni esset peccatum, vel nî Deus prohiberet. Imo hoc optare est gravis culpa; nam est velle, ut id, quod est per se malum, sit licitum, nec à Deo prohibeatur, ac proinde ut ordo naturæ pervertatur, ac lex æterna immutetur, atque ut natura rationalis non sapienter regatur à Deo: quod desiderium est graviter inordinatum, & pejus est, quam semel furari, nam pejus est furtum licere, quam semel committi.

Resp. II. Delectatio appetitus sensitivi de objecto graviter malo, etiam sub conditione, sub qua est licitum, v.g. delectatio car-

carnalis decopula, cùm fæmina, si esset uxor, est mortalis: quia appetitus sensitivus semper fertur in objectum, ut est in se, & omni conditione destitutum: nam imaginatio, ex cuius apprehensione movetur, & quam solam sequitur, nullam conditionem apponere potest, nec præscindere malitiam ab objecto. Imò juxta varios quævis delectatio de objecto intrinsecè malo perinde mala est, posita quacunque conditione, ac foret illâ sublatâ: quia delectatio est affectus complacentiæ de objecto ut præsenti, qui unicè pendet ex delectabili, quod in objecto apprehenditur: ergo si objectum sit malum, delectatio erit mala. Condicio autem quævis apposita nil operatur ad delectationem, nec tollit ejus malitiam, nisi tollat rationem, quæ delectat, seu ipsam delectabilitatem.

*Q. 4. Quænam prohibentur præcepto,
Non concupisces?*

Resp. Prohibetur tum quodvis desiderium, & complacentia objecti, seu actus mali, & consensus pravis concupiscentiæ motibus: tum etiam desiderium habendi quodvis bonum proximi, sive uxorem, sive servum, sive fundum, &c. juxta Deut. 5. *Non concupisces uxorem proximi tui, non domum, non agrum, non servum, non ancillam,*

cillum, non bovem, non asinum, & uni-versa, que illius sunt. Ita ut sit mortale, proximi bonum notabile expetere cum ejus damno, vel appetere proprium com-modum, aut lucrum cum damno gravi pro-ximi: nam hoc graviter repugnat chari-tati vetanti, ne alteri fieri velis, quod tibi non vis fieri. Hinc (ut ait Catechism, Roman.) Graviter peccant mercatores, qui rerum penuriam, avnonaque charita-tem expetunt; atque id agerent, ut alii præter ipsos sint, qui vendant aut e-mant, quo carius vendere, aut vilius emere possint. Item qui alios egere cupiunt, ut aut vendendo aut emendo ipsi lucentur. Medici item, qui morbos desiderant: ju-dices, advocati, procuratores, scriba, qui causarum litiumque vim, & copiam concie-pissunt, &c.

Q. 5. Quale peccatum est simplex dele-
ctatio morosa, seu deliberata
rei illicita?

Resp. I. Delectatio deliberata seu deli-beratè admissa, de quolibet objecto, vel opere mortaliter malo, est peccatum mortale, etiam secluso omni desiderio, propo-sito, conatu, & periculo illud efficiendi; su-mitque speciem, & malitiam à tali objecto. Est communis, & constat i. ex Prov. 2. Qui letantur, cum male fecerint, & exultant;

in rebus pessimis, quorum via perversa sunt, & infames gressus eorum. & Sap. 1. perversæ cogitationes separant à Deo. 2. Ex S. August. l. 12. de Trin. c. 12. Totus homo damnabitur, nisi hæc, quæ sine voluntate operandi, sed tamen cum voluntate animum talibus oblectandi, solius cogitationis sentiuntur esse peccata, per mediatoris gratiam remittantur. 3. Naturæ rationali, & legi divinae disconvenit, ac repugnat, quod voluntas gratum, & acceptum habeat id, quod naturæ rationali dissentaneum est. Deo displacebit, & ab eo prohibetur. Ergo est peccatum grave, vel leve, pro gravitate, vel levitate malitiæ objecti. 4. Delectatio liberata de objecto malo est affectus complacentiæ, & inclinatio appetitus in illud: nemo enim delectatur de eo, quod non amat. At omnis affectus in rem, vel actionem mortaliter malam est mortalis: nam graviter naturæ rationali, ac legi divinae adversatur, & sumit totam objecti malitiam, ex Osee. 9. Facti sunt abominabiles, sicut ea, quæ dilexerunt. Ergo. Ita S. Thom. I. 2. q. 74. a. 8. Nullus delectatur, inquit, nisi in eo, quod est conforme appetitui ejus. Quod autem aliquis ex deliberatione eligat, quod affectus suus conformetur his, quæ secundum se sunt peccata mortalia, est peccatum mortale. Unde talis consensus in delectationem peccati mortalis est pec-

ca.

catum mortale. Idque verum est, quamvis delectatio sit propter bonum finem, quia finis quantumvis bonus non tollit malitiam objecti.

Hinc mera complacentia de actu, seu objecto mortali contra justitiam, v. g. de furto, vel homicidio à se, aut ab alio patrato est peccatum mortale contra justitiam; est tamen minus grave, quam ipse consensus efficax in tale opus, ut docet S. Aug. loco cit: nam consensus efficax habet longè plus determinationis. Item mortale est contra castitatem gaudere se amari amore libidinoso ab alio, quamvis non sic redamato. Delectatio verò de actu, vel objecto veniali est venialis.

Non est tamen mortale gaudere præcisè de objecto ex se non malo, sed sola lege positiva vetito, quatenus non est de semelum, v. g. gaudere de esu carnium die veneris, non ut tali die posito, aut ponendo. Nam neque objectum istud de se illicitum est, neque ipse actus delectationis merè internæ est prohibitus ab Ecclesia. Hæc tamen delectatio est venialis, quia includit affectum quemdam intemperantiarum, etiam deformiorem, quam si alio tempore contingenteret.

Not. Deliberata tristitia, seu displicentia de opere bono est peccatum; nam opponitur virtuti, cuius est actus, & naturæ rationali, ac legi divinæ disconvenit odisse

Tom.I.

S

bo.

bonum, & amare malum ei oppositum, gaudere de malo, & dolere de bono ejus contrario.

Resp. II. Est mortale gaudere de actu ex se mortali, sed à culpa excusato ratione ignorantiae invincibilis, vel defectus libertatis, ut de homicidio in somno patrato, de violatione jejunii ex ignorantia, &c. *Ita Suarez, Azor, Sanchez, & Alii.* Quia est delectatio voluntaria de objecto graviter illicito, cum talis actus sit ex objecto mortalibus. Nec delectatio excusari potest: nam ideo actus non fuit culpabilis, quia non fuit voluntarius. Sed nunc voluntas liberè eum approbat, & de eo gaudet sine ignorantia, quod graviter disconvenit naturæ rationali, ac legi. Quare hæc Regula, *talis est delectatio, quale ejus objectum* intelligi debet, quando eadem causa opus excusans reperitur in delectatione.

Resp. III. Ex communi, Delectatio liberata de solo modo artificiose patrandi malum, qui ex se malus non est, vel de aliqua ejus circumstantia insolita, sed non mala, per se loquendo non est mortalibus. Quia 1. in parabola Luc. 16. *Laudavit Dominus villicum iniquitatis, quia prudenter fecisset.* 2. Ex sensu communihominum, qui criminis non vertunt, quod quis delectetur de modo, quo ebrius tremulè incedit, quo quis ex equo decidit, vel de industria, fur subtiliter crumenam emun;

emungit, &c. & aliis non malis circumstantiis actuum malorum, qui simul quoad substantiam dispergunt. 3. Objectum talis delectationis non est malum.

Potest tamen consensus in ejusmodi delectationem esse culpa venialis, ratione otiositatis, curiositatis, aut similis inordinationis; immo, & mortal is ratione scandali, vel periculi consentiendi in delectatione de ipso actu malo. Quod si circumstantia, vel modus esset malus, non licet de eo delectari.

Q. 6. An licet gaudere de effectu bono secuto ex peccato?

Resp. Per se loquendo licet, non tamen prout est à peccato: quia objectum talis gaudii non est malum, nec proinde ipsum gaudium. Sic Ecclesia gaudet de Redemptione per Christum secuta ex peccato Adami, *Felix culpa, qua talem, ac tantum meruit habere Redemptorem!*

Q. 7. An delectatio de sola cogitatione, seu cognitione rei graviter illicita est mortal is?

Resp. Neg. modo absit periculum consensus in objectum: quia rei malae cognitio, quæ est objectum talis delectationis, non est secundum se mala; & Deus ipse

cognoscit omnia mala, & obscena. Imò hæc cognitio sæpe est necessaria, vel utilis Confessario, aut Doctori. Delectatio autem specificatur à suo objecto directo, & immediato. Quare si cognitio, seu cogitatio sit vana, vel inutilis, delectatio de ea erit venialis. Si verò cognitio sit utilis, aut necessaria, delectatio de ea per se non erit culpa. S. Thom. 1. 2. q. 74. a. 8.

Hinc licet gaudere de scientia rei obscenæ ob bonum finem, putà ad fungendum officio Confessarii, Medici. At cognitio rei obscenæ ex affectu veniali, putà ex curiositate, etiam absente delectatione, & periculo omni, est venialis; mortalis verò, si sit ex affectu graviter inordinato, vel cum periculo gravi, aut referatur ad finem graviter malum.

CAPUT VII.

De Peccatis Capitalibus.

NOt. Peccata Capitalia sunt ea, quæ non solùm sunt per se peccata, sed etiam radix, & causa impulsiva multorum aliorum peccatorum. Septem numerantur à Theologis post S. Gregorium, nimirum Superbia, Avaritia, Gula, Luxuria, Ira, Invidia, Acedia.

AR.